

Июль

18/1 Мученика Леонтия (70-79).

№57 Тропарь, глас 4

Господь, Тыйын орланышет Леонтий индыралтмыж верч Тый дечет, мемнан Юмына деч, курымашлык венецым налын: орландарыше-влакым Тыйын пуымо виет дене сўмырал шуэн да ия-влакын тептердыме ўчыштым шалатен. Тудын молитваже дене мемнан чоннам утаре.

Кондак, глас 3

Юмын пуымо кугу ушан орланыше Леонтий, чоя осаллыкышт верч тый орландарыше-влакым вожылтаренат, еллин-влакын шояк юмылан кумалмыштым чараш луктынат, поро койыш-шоктышлан туныктымет дене чыла енлан Юмым палымашым волгалтаренат, сандене тыйым йōратен шарнена.

Величание

Тыйым моктена, тыйым моктена, святой орланыше Леонтий, да Христос верч орланыметым пагален шарнена.

19/2 Апостола Иуды, брата Господня (ок.80).

Тропарь, глас 1

Иуда ачана, Христосын тукумжо, лўддымō орланыше улметым пален, тыйым священный муро дене моктена, вет ондалымашым сенген, ўшанымашым араленат, сандене тыйын нерген святой шарнымашым пайремлена да кумалмет дене языкнам касарымашым налына.

Кондак, глас 2

Чыла моктымō апостол Иуда, тый келге ушетлан кōра ойырен налме тунемше да Христос Черкын сенгаш лийдыме менгыже лийынат, калыкклан Христосын мутшым туныктен, ик Юмылан ўшанаш кўштенат, Тудын дечак чапланен, паремден кертме вийым налынат да тый декет толшо-влакын черыштым эмлет.

Величание

Тыйым моктена, тыйым моктена, Христосын апостолжо Иуда, Христосын Поро Увержым шарымет годсо орланымет ден пашатым пагален шарнена.

20/3 Священномученика Мефодия, епископа Патарского (312). Перенесение мощей святителя Гурия, архиеп.Казанского (1630).

Тропарь священномученику Мефодию, глас 1

Юмын пуымо ушан святитель Мефодий, мланде гыч Юмо дек Авельын вўржō кычкырыме семын тыйын вўретат шолып кычкыра, Юмын айдеме капан лиймыжым раш умылтарымет дене Оригенын шояк туныктымыжым вожылтаренат да Пылпомыш Суртыш пуренат. Мемнан чоннам утарыже манын, Христос Юмым сōрвале.

Кондак, глас 4

Мефодий ачана, тый Святой Троицын тайныжым шуктышо, Юмын öрыктарыше шўдымыжым туныктышо да православный ен-влакын пенгыдылыкше улат, йонгылыш умылымашын шояжым тўжваке луктын, чын вера верч вўр марте

индыралтмет дене священный орланыше лийынат, суксо-влак дене пырля Христос ончлыно шогымет годым мемнан утаралтшаш верчат кумал.

Величание

Тыйым моктена, тыйым моктена, святитель Мефодий ачана, да тыйым пагален шарнена, вет тый мемнан верч Христос Юмынам сөрвалет.

Тропарь святителю Гурию, первому
архиепископу Казанскому, глас 4

Святитель Гурий ачана, лилий пеледыш таман миром лукшо мощетым Утарышын черкыж гыч Юмын Аван лүмеш черкыш жаплен кондымо, Христос тудым чот пагалыме пӧлек семын Шке Яндар Аважлан пуэн. Храм святой тамле пушет дене темын да тыйым, икымше вуйлатышыштым пуртен, архиерей-влакын престолышт йывыртен. Святитель, священноначальник да чыла ўшаныше-влакын погынжо тыйын чот моктымо паремдыше мощетым кусарымылан куанен. Юмылан йӧрышӧ ачана, меат куанена да тыйым йодына: мемнан чонлан кугу чаманымашым пуыжо манын, Христос Юмым сӧрвале.

Кондак, глас 4

Святитель Гурий, алгаштарыше шижмашым сенген, яндарлыккет дене кече гай волгалтынат да тудым ўмырет мучко арален, Христослан ўшанымаш деке шукыштым конденат, сандене Юмо тыйын капетым арален коден, шуко чудо дене чылаштым ӧрыктарет. Шке кумалмет дене мемнам чыла ойго деч утаре манын сӧрвалена да тыге ойлена: ӧрыктарыше ачана, Озан олан моктымашыже да пентгыдылыкше, куане.

Величание

Тыйым моктена, тыйым моктена, святитель Гурий ачана, да тыйым пагален шарнена, вет тый мемнан верч Христос Юмынам сӧрвалет.

21/4 Мученика Иулиана Тарсийского (ок.305).

№57 Тропарь, глас 4

Господь, Тыйын орланышет Иулиан индыралтмыж верч Тый дечет, мемнан Юмына деч, курымашлык венецым налын: орландарыше-влакым Тыйын пуымо виет дене сўмырал шуэн да ия-влакын тептердыме ўчыштым шалатен. Тудын молитваже дене мемнан чоннам утаре.

Кондак, глас 2

Поро койыш-шоктышын сенгаш лийдыме сарзыже Иулианым, чынын йолташыжым да саркуралже нумалшыжым, таче чыланат чапландарен мурена да йодына: мемнан верч Христос Юмым сӧрвале.

Величание

Тыйым моктена, тыйым моктена, святой орланыше Иулиан, да Христос верч орланыметым пагален шарнена.

**22/5 Священномученика Евсевия
епископа Самосатского (380).**

№ 64 Тропарь, глас 4

Юмылан йӧрышӧ священномученик Евсевий, койыш-шоктышет дене апостол да нунын престолыштым кучышо лийынат, пашат дене ужмаш кўкшытыш шуынат, сандене мутын чынжым раш увертарен, ўшанымаш верч вўр марте орланенат. Мемнан чоннам утарыже манын, Христос Юмым сӧрвале.

Кондак, глас тойже

Евсевий ачана, святитель саныште алал кумылын служитлен, орланымаш корным эртен, тый идоллан надырым пуымашым пытаренат. Мемнан чоннам утарыже манын, Христос Юмым сөрвале, вет тый Юмо деч йодаш тоштшо улат.

Величание

Тыйым моктена, тыйым моктена, священномученик Евсевий, да тыйым пагален шарнена, вет тый мемнан верч Христос Юмынам сөрвалет.

23/6 Владимирской иконы Божией Матери (празднество установлено в память спасения Москвы от нашествия хана Ахмата в 1480 г.).

Тропарь, глас 4 (также 21 мая/3 июня и 26 августа/8 сентября)

Кучен Ашныше Ёдыр, чудым ыштыше Тыйын юмонгатым эр ўжара гай вашлийын, чапле Москва ола таче волгыдын йывырта. Юмонгат деке толын, Тыланет кумалына да тыге ойлена: Юмым Шочыктышо пеш чапле Ёдыр, Тый дечет шочшо Христос Юмым сөрвале, Чаманыше улмыж дене Тудо чыла христиан ола ден элым да тиде кундемымат осал тушман деч арален шогыжо да мемнан чоннам утарыже.

Кондак, глас 8

Юмым Шочыктышо Ёдыр, Тылат, чыла сенгыше Воеводылан, Тыйын моктымо юмонгатын толмыжо дене мемнам шыгыр гыч утарыметлан ме Тыйым вашлийме пайремым волгыдын пайремлена да Тыланет, чыла Кучен Ашнышылан, тыге каласена: о, Поро Яндар Ёдыр, йывырте.

Величание

Тыйым моктена, Юмын ойырен налме Эн Яндар Ёдыр, Тыйын святой юмонгат деке ўшан дене толшо-влакклан пареммашым пуыметлан моктена.

24/7 Рождество честного славного Порока, Предтечи и Крестителя Господня Иоанна.

Тропарь, глас 4

Христос ончыч Толшо пророк, ме тыйым йөрәтен шарнена гынат, күлеш семын моктен она мошто, вет тыйын öрыктарышын шочмет дене йочам ыштен кертдыме аватын ойгыжо пытен да ачатын йылмыже рудалтын, тыгак Юмын Эргын айдеме капан лиймыже тўнялан увертаралтын.

Кондак, глас 3

Йочам ыштен кертдыме ўдырамаш таче Христос ончыч Толшым шочыкта, тудыжо – пророк-влакын каласымыштын шукталтмыже, вет Көн нерген пророк-влак ончылгоч каласеныт, Тудын ўмбак Иорданыште кидшым пыштен, Юмын Шомакын пророкшо, туныктышыжо да ончыч Толшыжо почылтын.

Величание

Тыйым моктена, Утарыше деч ончыч толшо Иоанн, йочам ыштен кертдыме ўдырамаш деч öрыктарышын шочметым моктена.

Припев

Господьын святой кугу Предтечыже Иоанн, мемнан верч Юмым сөрвале.

25/8 Преподобномученицы Февронии девы (ок.404). Благоверного князя Петра, в иночестве Давида, и княгини Февронии, в иночестве Евфросинии, Муромских чудотворцев (1228).

№76 Тропарь, глас 4

Иисус, Тыйын Феврония пачат кугу йўкын ўжеш: Качем, Тыйым йөратем, Тыйым кычалын орланем да пудалалтам, Тыйын пуымо Тынеш пурымаште тоялтам, Тый денет ушнымаште кугыжаланащ манын, Тылат верч орлыкым чытем, да Тый денет пырля илаш манын, Тыланет верч колем, Тыланет йөратен кондымо яндар надыр семын мыйым нал. Тудын сөрвалымыж дене, Чаманыше Юмо, мемнан чоннам утаре.

Кондак, глас 6

Феврония сөрвален: чот ямле Христос Качем, Тыйын почешет каяш неле огыл, вет йөратымашетын шерыже чонемым ўшан дене тема, чаманымашетын моторлыкшо шўмемым шулыктура. Тылат верч орланымаш чашым йўын, ушан ўдыр-влак дене пырля суртыштет куанаш ўшанем. Юмылан йөрышö да индыралтмым чытыше ўдыр, подвигетым аклена да сөрвалена: Пылпомышын омсаже мыланнат ынже петырне манын, кумал.

Величание

Тыйым моктена, тыйым моктена, лишыл ег деч орлыкым чытыше Феврония, святой ўдыр, да тыйым пагален шарнена, вет тый мемнан верч Христос Юмынам сөрвалет.

Тропарь благоверным князю Петру, в иночестве Давиду, и княгине Февронии, в иночестве Евфросинии, Муромским, глас 8

Поро пиалан Петр, тый чапле вожан пушенгын сылне укшыжо лийынат, кугу уш-акылан Феврония пелашет дене коктын преподобный-влак семын порын илен, мландымбалнак Юмылан йөрэнда. Шочмо элдам тынысын аралаш Господьым нунын дене пырля сөрвалыза, а ме тендам эре пагален шарнена.

Кондак, глас тойже

Петр ачана, мландымбалысе князь улмет да жаплан пуымо чап нерген шонен, кугу уш-акылан Феврония пелашет дене тўняште порын илен, ег-влакым чаманыме да кумалме дене Юмылан йөрэнда. Колымыда деч вара шўгарыште пырляк улыда да пареммашым ужаш лийдымын пуэда. Тиде ола ден тендам моктышо ег-влакым арален кодыжо манын, Христосым кызытат сөрвалыза.

Величание

Поро пиалан улмыдам моктена, чудым ыштыше святой Петр ден Феврония, тендан нерген святой шарнымашым аралена, вет мемнан верч Христос Юмым сөрваледа.

26/9 Тихвинской иконы Божией Матери (1383).

Тропарь, глас 4

Поро Яндар Ўдыр, Владычице, Тыйын чот пагалыме юмонат южышто таче волгыдо кече гае волгалтын, чаманымашыже дене тўням волгалтарен. Кугу Россий тудым Юмын кўшыч колтымо пöлекше семын алал чон дене налын да Тыйым,

чылажымат Кучен Ашныше Юмын Авам, чапландара, Тый дечет шочшо Христос Юмынам куанен мокта. Юмым Шочыктышо Царице, Шке Эргычым сөрвале: христиан-влакын олашт ден элыштым осал тушман деч аралыже, Юмын тўсшылан да Тыйын эн яндар тўсетлан ўшан дене кумалше-влакым утарыже.

Кондак, глас 8

Христослан таум ыштен, Юмым Шочыктышо Яндар Ёдыр деке толына да чудым ыштыше юмонажым йўратен ончен, сукен шинчын сўрвалена: о Владычице Мария, чот пагалыме тўсетын ўрыктарышын толмыжо дене тиде элым тынысыште арале да христиан-влакым порын ашне, пылпомышысо илышлан йўрышым ыште. Тыланет ўшанен манына: тўням утарыше Яндар Ёдыр, куане.

Величание

Тыйым моктена, Тыйым моктена, Юмын ойырен налме Эн Яндар Ёдыр, Тыйын юмонат деке ўшан дене толшо-влаклан паремашым пуыметлан моктена.

Припев:

Тыйым, Юмым Шочыктышо Авам, Херувим-шамыч дечат утла пагалышашым, Серафим-шамыч дечат тагастарыдыме чаплым, чынак мокташ кўлеш.

27/10 Преподобного Сампсона странноприимца (ок.530).

Тропарь, глас 8

Ен-влакым чаманыше поро пиалан преподобный Сампсон ачана, чытымашет дене молитвам чарныде лудын, йорло-влакым йўратен, ончыкылык суапым налынат. Мемнан чоннам утарыже манын, Христос Юмым сўрвале.

Кондак, глас тойже

Юмын пуымо ушан преподобный Сампсон ачана, сай эмлызе да чылашт верч порын кумалше, тыйын Божественный мощет деке йўратен толына да паремден кертме порылыкым пуышо Христосым псалом да муро дене куанен чапландарена.

Величание

Поро пиалан улметым моктена, преподобный Сампсон ачана, тыйым пагален шарнена, вет тый монах-влакым виктарыше да суксо-влак дене мутланыше улат.

Обретение мощей прп.Амвросия Оптинского (1998).

Тропарь, глас 5

Амвросий ачана, тый декет ме паремдыше памаш деке толмо семын толына. Тый мемнам утаралатме корныш луктат, молитват дене тўрлў ойго да орлык деч аралет, кап ден чонна корштымо годым лыпландарет, эн чотшо ўнгышылыклан, чыгаш да йўраташ туныктет. Мемнан чоннам утарышаш верч Айдемым йўратыше Христосым да Тудын Чаманен Утарыктыше Аважым сўрвале.

Кондак, глас 2

Кўтўчў-влакым Вуйлатышын кўштымыжым шуктен, тый старчестваын порылыкшым налынат, тый декет ўшан дене толшо чыла ен верч шўмет йўлен. Сандене меат, тыйын шочшет-влак, йўратен мурена: святой Амвросий ачана, мемнан чоннам утарышаш верч Христос Юмым сўрвале.

Величание

Поро пиалан улметым моктена, преподобный Амвросий ачана, тыйым пагален шарнена, вет тый монах-влакым виктарыше да суксо-влак дене мутланыше улат.

28/11 Перенесение мощей мучеников бессребреников и чудотворцев Кира и Иоанна (412).

Тропарь, глас 5

Христос Юмо, святой орланышет-влакын öрыктарыше пашаштым Тый мыланна сенаш лийдыме пырдыж семын пуэнат, нунын кумалмышт дене калык-шамычын осал шонымашыштым шалате, вет Тый Икте Поро да Айдемым Йöратыше улат.

Кондак, глас 3

Юмын пуымо ушан Кир ден чапланыше Иоанн святой-влак, те Юмын порылыкшо деч чудым ыштен кертмашым налында, кап ден чоннан осал кумылшупшмашыжым шке кидда дене ужаш лийдымын руал ойырен, öрыктарыше пашам чарныде ыштеда, вет те Юмын эмлызыже улыда.

Величание

Тендам моктена, тендам моктена, святой орланыше-влак Кир ден Иоанн, да Христос верч орланымыдам пагален шарнена.

Иконы Божией Матери, именуемой «Троеручица» (VIII)

Тропарь, глас 4

Юмым Шочыктышо Ёдыр, Владычице, таче мыланна тўня кумдыкысо йывыртымаш волгалтын: вет Тый святой Афон курыклан Шкендын паремдыше юмонгатым пöлекленат. Святой Троицым мокташ эн яндар Шке кидетым юмонгаште кумытым да шелалтдымым ончыктенат. Тылат ўшанен кумалше-влакым умылаш ўжат: кок кидет дене Шке Эргычым, мемнан Господьнам, кучет. Леведышетым кычалын, Тый декет кугу ўшан дене жаплен толшо-влакым кумшо кидет дене тўрлö нелылык, ойго деч арален, левед шоget, чыла осал деч утарет, тушманым корандет, сандене ме Тыланет Афон дене пырля мурена: Поро Пўрымашан Ёдыр, йывырте, Тый денет Юмо.

Кондак, глас 8

Юмын Эн Яндар Аваже, таче Тыйын куанле пайремет толын, ўшаныше-влак, йывыртымаш дене темын, Тыйын да Тый дечет Шочшо Азан, чын Юмын, пагалыме юмонгадан öрыктарышын толийжым моктен мурат, вет Тый кок кидет дене Шке Эргычым кучет, кумшо кидет дене мемнам тўрлö нелылык да ойго деч аралет, чыла осал да кепшыл деч утарет.

Величание

Тыйым моктена, Тыйым моктена, Эн Яндар Ёдыр, Тыйын святой юмонгатын öрыктарыше улмыжым моктена. Кумытло Юмынан чапше лўмеш эн яндар Тыйын кидет тушто кумыт уло.

29/12 Славных и всехвальных первоверховных апостолов Петра и Павла (67).

Тропарь, глас 4

Апостол-влакын кугуракышт да чыла калыкым туныктышо-влак, тўнялан тынысым да мемнан чонлан кугу чаманымашым пуыжо манын, Чылам Ашныше Юмым сөрвалыза.

Кондак, глас 2

Юмо нерген пентгыдын туныктышо кугурак апостолет-влакым, Господь, Тый Шке порылыкетын куанышкыже да шыпышкыже пуртенат, вет Тый Икте мемнан шўмнам палыше улат да нунын орланымышт ден колымыштым эн кугу саска гай налынат.

Величание

Тендам моктена, тендам моктена, Христосын апостолжо-влак Петр ден Павл, шке туныктымыда дене уло тўням волгалтаренда да тўнян чыла ужашыжым Христос деке конденда.

30/13 Собор славных и всехвальных 12-ти апостолов: Петра, Андрея, брата его; Иакова Заведеева и Иоанна, брата его; Филиппа, Варфоломея, Фомы, Матфея, Иакова Алфеева, Иуды Иаковля, или Фаддея; Симеона Зилота и Матфия.

Тропарь Собору 12-ти апостолов, глас 4

Апостол-влакын кугуракышт да чыла калыкым туныктышо-влак, тўнялан тынысым да мемнан чонлан кугу чаманымашым пуыжо манын, Чылам Ашныше Юмым сөрвалыза.

Кондак, глас 2

Ўшанымашын кўжым Христос волгыдын чапландара, ме таче Павел ден латкок тунемшыжын погынжым пагален шарнена да пайремлена, нуным Чапландарышым моктена.

Величание

Тендам моктена, тендам моктена, латкок святой апостол-влак, шке туныктымыда дене уло тўням волгалтаренда да тўнян чыла ужашыжым Христос деке конденда.

**1/14 Бессребреников Космы и Дамиана,
в Риме пострадавших (284).**

№ 98 Тропарь бессребреникам, глас 8

Акым налде тыршыше да чудым ыштыше Косма ден Дамиан, мемнан чернамат эмлаш толза: яра налме порылыкдам мыланнат яра пуыза.

№ 99 Кондак, глас 2

Моктымо эмлызе да чудым ыштыше-влак, паремдымаш порылыкым налын, ойгышто улшо-влаклан тазалыкым пуэда, öрыктарыше пашада дене тўням паремден, осал шўлышын алгаштарымыжым шке толмыда дене сеныза.

№ 100 Величание

Тендам моктена, тендам моктена, чудым ыштыше эмлызе-влак Косма ден Дамиан, да Христос верч орланымыдам пагален шарнена.

№ 101 Ино величание

Тендам моктена, öрыктарыше паша дене чапланыше Косма ден Дамиан, святой лўмдам волгыдын шарнена, вет те йомшо-влакым туныктышо, черле-влакым эмлыше, суксо-влак дене мутланыше улыда.

**2/15 Положение честной ризы Пресвятой Богородицы
во Влахерне (458).**

Тропарь, глас 8

Юмым Шочыктышо Яндар Ёдыр, ең-влакын Леведышыже, эн яндар капетын ёмбал вургемже ден ёштетым Тый Шке олатлан пенгыде аралтышлан пуэнат, яндарын шочыктымет дене курымашлык лийынат, Тый денет ушнымаште пёртёс ден жап уэмыт, сандене Тыйым сёрвалена: Шке олатлан тынысым да мемнан чонлан кугу чаманымашым пёлекле.

Кондак, глас 4

Чыла енын Леведышыже, Юмын пуымо порылыкан Эн Яндар Ёдыр, Тый чыла ёшаныше-влаклан курымашлык вургемым, Шкендын святой капетым леведме священный вургеметым пёлекленат, сандене тудым пыштымым ёратен пайремлена да Тыйым, Яндар Ёдыр, лёдын сёрвалена: христиан-влакын Моктымашыже, куане.

Величание

Тыйым моктена, Тыйым моктена, Юмын ойырен налме Эн Яндар Ёдыр, Тыйын святой вургеметым пагален пыштымым шарнена.

3/16 Мученика Иакинфа (108).

№57 Тропарь, глас 4

Господь, Тыйын орланышет Иакинф индыралтмыж верч Тый дечет, мемнан Юмына деч, курымашлык венецым налын: орландарыше-влакым Тыйын пуымо виет дене сёмырал шуэн да ия-влакын тептердыме ёчыштым шалатен. Тудын молитваже дене, мемнан чоннам утаре.

Кондак, глас 6

Чот Чаманыше Христос, Тыйын орланыше енет шке чоныштыжо илыш пушенгым, Тылат ёшанымашым, куштен, Едемысе райын эн пагалымыже лийын да кишкын ондалыше пушенгыжым шёлыш дене лёдде пытарен, Тыйын чапет дене венчаялтын.

Величание

Тыйым моктена, тыйым моктена, святой орланыше Иакинф, да Христос верч орланыметым пагален шарнена.

4/17 Святителя Андрея, архиепископа Критского (712-726).

Тропарь, глас 1

Ёратен мурен, йылме мастарлыкетын семёзгарже дене Христосын Черкыжым куандаренат, Эн Святой Троицын чапшым Юмын пуымо мут дене раш каласенат, сандене тыйым, Критын кётёчыжё Андрейым, Юмын тайным ойлышым, шарнен мурена да Шкенжын ёрыктарыше святойжо-влак дене чапланыше Христосым моктена.

Кондак, глас 2

Преподобный Андрей ачана, Юмын сылне мурыжым тётыретпуч гай раш шергылтарен, Святой Троицын волгыдыж дене волгалтын, тёнян кугу волгыдыжо лийынат, сандене чыланат тыйым сёрвалена: мемнан верч чарныде кумал.

Величание

Тыйым моктена, тыйым моктена, святитель Андрей ачана, да тыйым пагален шарнена, вет тый мемнан верч Христос Юмынам сёрвалет.

5/18 Преподобного Афанасия Афонского (1000).

Тропарь, глас 3

Эре моктымо Афанасий ачана, илымет годымак суксо-влакым öрыктаренат, вет шинчалан койдымо ия-шамыч дене кучедалын, нуным чактаренат. Христос тыланет шуко моштымашым пуэн, мемнан чоннам утарыже манын, Тудым сөрвале.

Кондак, глас 8

Шинчалан койдымо шүлышым раш ужшо, Юмо нерген чыным ойлышо, тый шке кулет-влак верч чарныде кумалат, сандене күтүэт йодеш: «Афанасий ачана, тыланет куане манын мурышо-влакым орлык деч коранде да утаре».

Величание

Поро пиалан улметым моктена, Юмылан йöрышö Афанасий ачана, тыйым пагален шарнена, вет тый монах-влакым виктарыше да суксо-влак дене мутланыше улат.

Обретение честных мощей преподобного Сергия, игумена Радонежского, чудотворца (1422).

Тропарь, глас 8

Юмылан йöрышö Сергей ачана, рвезет годсекак шке чонышкет Христосым пуртенат, мландымбалысе арам паша деч коранаш шонен, ир мландыш лүддымын каенат да тушто мут колыштмашын шочшыжым, үнгышылыкын саскажым, куштенат. Святой Троицын илыме верже лийын, тый декет үшан дене толшо-влакым öрыктарыше пашат дене волгалтаренат, чылаштлан пареммашым тичмашын пуэнат, мемнан чоннам утарыже манын, Христос Юмым сөрвале.

Кондак, глас 8

Мланде гыч кече семын волгалтше пагалыме мощетым таче тичмашын аралалт кодшым мумо, тудо тамле пушан пеледыш семын шуко öрыктарымаш дене волгалтеш да үшаныше-влаклан түрлö пареммашым пуа, ойырен налме күтүэтым куандара, вет тудым кугу уш-акыл дене погенат да порын күтенат. Кызытат Святой Троице ончылно нунын верч кумал шоget, да тыланет мурена: Юмын пуымо ушан Сергей ачана, куане.

Величание

Поро пиалан улметым моктена, преподобный Сергей ачана, тыйын нерген святой шарнымашым аралена, вет тый монах-влакым виктарыше да суксо-влак дене мутланыше улат.

Преподобномученицы великой княгини Елисаветы Федоровны Алапаевской, Московской

Тропарь, глас 1

Юмын пуымо ушан Елисавета, княжна чапетым ўнышын шылтенат, Марфа ден Мария гай тыршен служитлен, Христосым пагаленат. Чаманыме, чытыме да йоратымаш дене яндарештын, шкендым чын надыр семын Юмылан конденат. Поро койыш-шоктышетым да орланыметым аклен, тыйым, чын туныктышынам, алал чонна дене йодына: святой орланыше кугу княгиня Елисавета, мемнан чоннам утарыже да волгалтарыже манын, Христос Юмым сөрвале.

Кондак, глас 2

Ўшанымаш подвигын күкшытшым кө каласа: лишыл ең деч орланымашым чытыше кугу княгиня Елисавета мланде йымалне, райын волгыдыштыжо гае, суксо-влак дене пырля псаломым мурен куанен да, пуштмашым чытен, Юмым палыдыме орландарыше-влак верч йодын: Господь, нунын тиде сулыкыштым кудалте, вет мом ыштымыштым огыт пале. Тудын кумалмыж дене, Христос Юмо, мемнан чоннам чамане да утаре.

Тропарь, глас 4

Тынысым, ўнышылыкым да йоратымашым шке чонышкет илаш пуртен, йосланыше-влаклан тургыжланен служитленат. Орланымашым чытыше княгиня Елисавета, мученица Варвара дене пырля Христос верч святой орланымашым да колымашым ўшан дене чытенат. Тендам йоратен пагалыше-влак верч пырля кумалза.

Кондак, глас 5

Христосын Ыресшым налын, тушман-влак верч кумалын, кугыжаныш чап гыч тый пылпомышысо порылыкыш вонченат да курымаш куаным налынат. Святой орланыше княгиня Елисавета, мученица Варвара дене пырля мемнан чонна верч кумал.

Величание

Тыйым моктена, тыйым моктена, орланымашым чытыше кугу княгиня Елисавета, да тыйым пагален шарнена, вет тый мемнан верч Христос Юмынам сөрвалет.

Ино величание

Тыйым моктена, тыйым моктена, Юмылан йорышө святой орланыше Елисавета, да Христос верч орланыметым пагален шарнена.

6/19 Преподобного Сисоя Великого (429).

Тропарь, глас 2

Сисой ачана, тысе илыш деч корангын, пўтым кучен, капын йодмыжым сорлыклен, ир мландыште илымет дене капкылын сутланымыжым пытарен, мландымбалысе суксо да Пылпомышысо айдеме лийынат, монах-влакын туныктышышт, тыланет мурена да йодына: мемнан чоннам утарыже манын, Христос Юмым сөрвале

Кондак, глас 4

Сисой ачана, тыршымет дене мландымбалне суксо гай лийынат, Юмын пуымо палдарыше пале дене тый ўшаныше-влакын шонымыштым волгалтаренат, сандене тыйым ўшан дене пагален шарена.

Величание

Поро пиалан улметым моктена, Юмылан йöрышö Сисой ачана, тыйым пагален шарнена, вет тый монах-влакым виктарыше да суксо-влак дене мутланыше улат.

7/20 Преподобного Фомы, иже в Малей (X).

Тропарь преподобным Фоме Малейну и Акакию,
иже в Лествице, глас 1

Фома öрыктарыше пашаж дене, Акакий мут колыштмыж дене тунялан Юмын волгыдыжо да монах-влакын илыше ужарашт семын волгалтыныт. Юмо деч йодаш тоштшо-влак, ойго годым мемнан верч кумалза. Тендам волгыдын шарныше-влаклан сулык касарымашым пуыжо манын, Христос Юмым сөрвалыза.

Кондак преподобному Фоме Малейну, глас 4

Кугу сенымашым лүддымын ончыктен, Юмым йöратымаш дене ыренат, мландымбалысе кугыжа ден моторлыкым коден, Малей курыкыш илаш каенат, тушеч Пылпомышысо кугыжа-влакын Кугыжашт деке нöлталтынат. Фома ачана, мемнан верч чарныде кумал.

Кондак преподобному Акакию, глас 2

Кугу ушан преподобный Акакий, изинекак туням коден, Христос почеш каенат, кугешнен орландарышым тый Христосын шке кумылын унгышеммыж дене сененат. Мемнан верч чарныде кумал.

Величание

Поро пиалан улмыдам моктена, Юмылан йöрышö Фома ден Акакий ачана-влак, тендам пагален шарнена, вет те монах-влакым виктарыше да суксо-влак дене мутланыше улыда.

**8/21 Явление иконы Пресвятой Богородицы
во граде Казани (1579).**

Тропарь, глас 4

Күшнö улшо Юмын чаманен утарыктыше Аваже! Шкендын Эргычым, мемнан Христос Юмынам, чылан верчышт сөрвален, Тыйын левед аралымашкет мийыше-шамычлан чылалан утарымашым ыштет. О, Ашныше Юмын Аваже, мемнам чыланнам утарыкте! Ойгышто, орлыкышто, шуко язык дене нелемын, черланен, Тыйын моткоч яндар түсет ончылно, шинчавүд дене ойгырен-шортын, чон дене шонен-юмылтен шогышо-шамычым, чылам, осал дечын утаре, Тыланет чарныдеак ушаныше-шамычлан порылыкым, куштылгылыкым пу, Юмым Шочыктышо Ёдыр, чыламат утаре: Тый вет Шкендын енет-шамычлан Юмын Леведышыже улат.

Кондак, глас 8

Вашке Полшышына деке, Яндар Ёдырын леведышыже деке, тиде шып да поро верыш, ямде да шокшо утарымаш деке, чыланат толына, кумалаш да сулыкнам касараш вашкена: вет Поро Яндар Ёдыр мыланна пытыдыме чаманымашыжым пуа да Юмо деч лүдшö Шкенжын ушанле кулжо-влаклан полшаш вашка, кугу ойго да орлык деч утара.

Величание

Юмым Шочыктышо Эн Яндар Ёдыр, Тыйын святой юмонатым пагалена, вет тудын деке ушанен толшо-влаклан поро польш пуалтеш.

**9/22 Священномученика Панкратия,
епископа Тавроменийского (I).**

№64 Ин тропарь, глас 4

Юмылан йөрүшө священномученик Панкратий, койыш-шоктышет дене апостол да нунын престолыштым кучышо лийынат, пашат дене ужмаш кўкшытыш шуынат, сандене мутын чынжым раш увертарен, ўшанымаш верч вўр марте орланенат. Мемнан чоннам утарыже манын, Христос Юмым сөрвалет.

Кондак, глас 4

Поро пиалан Панкратий ачана, Тавромений кундемын волгыдо шўдыржө, Христос верч священный орланыше, Тудын ончылно шоget да тыйым пагален шарныше-влак верч кумалат.

Величание

Тыйым моктена, тыйым моктена, священный орланыше Панкратий ачана, да тыйым пагален шарнена, вет тый мемнан верч Христос Юмынам сөрвалет.

10/23 Положение честной ризы Господа нашего Иисуса Христа в Москве (1625).

Тропарь, глас 4

Таче ме, ўшаныше-влак, Утарыше Юмынан паремдыше Божественный вургемже деке толына. Тудым ўмбагыже чиен, Шке Святой Вўржым Ыресеш йоктарен да тушманлан тарзыланыме деч мемнам утарен. Тудлан тауштен мурена: Айдемым Йоратыше Христос, пагалыме вургемет дене шочмо мландынам, архиерей ден чыла еным да олам арале, мемнан чоннам утаре.

Кондак, глас тойже

Кучен Ашныше Юмо, Тый чыла енлан курымаш чиемым, утарыше паремдымашым, Шке Божественный поянлыкетым, пагалыме вургеметым, пуэнат. Айдеме капым налкеке, илышым пуышо святой капкылетым тудын дене леведынат. Тидым кумылын умылен, волгыдын пайремлена, Порылыкым Пуышо Христослан лўдын, йоратен мурена да сөрвалена: Шке чаманымашет дене архиерей ден чыла еным да мландынам тынысыште арале.

Величание

Тыйым моктена, Тыйым моктена, Илышым Пуышо Христос, Божественный вургеметым пагален пыштымым порын шарнена.

11/24 Воспоминание чуда великомученицы Евфимии всехвальной, имже Православие утвердися (451).

№76 Тропарь, глас 4

Иисус, Тыйын Евфимия пачат кугу йўкын ўжеш: Качем, Тыйым йоратем, Тыйым кычалын орланем да пудалалтам, Тыйын пуымо Тынеш пурымаште тоялтам, Тый денет ушнымаште кугыжаланаш манын, Тылат верч орлыкым чытем, да Тый денет пырля илаш манын, Тыланет верч колем, Тыланет йоратен кондымо яндар надыр семын мыйым нал. Тудын сөрвалымыж дене, Чаманыше Юмо, мемнан чоннам утаре.

Кондак, глас тойже

Шўмыштышт Юмым нумалше 630 ача деч чын туныктымашым ойырен налше да аралыше чыла моктыммо авана, тый Христос Качет верч орланымаш ден ўшанымаш подвигом шокшын шуктенат, кызытат Тудым сөрвалет: Юмын Аван

полшымыж дене православный кугыжа-шамыч чыла шояк туныктымаш ден тушман кержалтмашым сенгышт.

Величание

Тыйым моктена, тыйым моктена, святой орланыше Евфимия, да Христос верч орланыметым пагален шарнена.

**Равноапостольной Ольги, великой княгини Российской,
во Святом Крещении Елены (969).**

Тропарь, глас 1

Курымеш моктымо Ольга, ушетым Юмым палымаш шулдыр дене пойдарен, шинчалан койдымо верыш чонгештен күзенат, чылажымат Пүрышö Юмым муын, тынеш пурымет дене угыч шочынат, илыш пушентгылан йывыртен, капет дене курымеш тичмаш улат.

Кондак, глас 4

Таче ме чылаштлан Порым пуышо Юмым моктена, вет Тудо Руш мландыште Юмын пуымо ушан Ольгам чапландарен. Ольган кумалмыж дене мемнан чонлан сулык касарымашым пуыжо манын, Юмым сөрвалена.

Величание

Тыйым моктена, тыйым моктена, апостол-влак дене төр улшо поро пиалан княгиня Ольга, да святой шарнымашым аралена, вет тый идол-влакым пытаренат да Российысе ен-влакым Святой Тынеш пурымаш дене волгалтаренат.

12/25 Мучеников Прокла и Илария (ок.98-117).

№60 Тропарь, глас 4

Господь, Тыйын орланышет-влак, индыралтмышт верч Тый дечет, мемнан Юмына деч, курымашлык венецым налыныт: орландарыше-влакым Тыйын пуымо виет дене сүмырал шуэныт да ия-влакын тептердыме үчыштым шалатеныт. Нунын молитвашт дене мемнан чоннам утаре.

Кондак, глас тойже

Орланыше Прокл ден Иларий, пагалыме индыралтмыда эр шүдыр гай волгалтын да öрыктарыше пашадан волгыдыжо мемнамат волгалтарен. Сандене тендам пагален шарнена, мемнан чоннам утарыже манын, Христос Юмым сөрвалыза.

Величание

Тендам моктена, тендам моктена, святой орланыше Прокл ден Иларий, да Христос верч орланымыдам пагален шарнена.

Иконы Божией Матери, именуемой «Троеручица» (VIII).

Тропарь, глас 4

Тыйын пеш пагалыме «Троеручице» юмонгат Сербий гыч Афоньш волгыдо шүдыр гай толын. Хиландар монастырь тудым Юмын күшыч пуымо пöлекше семын

йөрәтен налын да Тыйым, Кучен Ашныше Ёдыр, чапландарен, уло чон дене йодеш: Шке чаманымашетым мемнан деч ит коранге, курымеш мемнан дене лий.

Кондак, глас 3

Таче Ёдыр мыланна Шке поро кумылжым почеш, Афон курык Тудлан таум ышта, суксо ден монах-влак Тудым моктен мурат. «Троеручице» юмонат Сербий гыч өрыктарышын толын да, мыланна верч толын, Хиландар монастыреш верлана.

Величание

Тыйым моктена, Тыйым моктена, Эн Яндар Ёдыр, Тыйын святой юмонатын өрыктарыше улмыжым моктена. Кумытло Юмынан чапше лүмеш эн яндар Тыйын кидет тушто кумыт уло.

13/26 Собор Архангела Гавриила

№15, 20 Тропарь, глас 4

Пылпомышысо куат-влакын Архистратигышт, ме, йордымө-влак, тендам эре йодына: мемнам, сукен возын сөрвалыше-влакым, ужаш лийдыме шулдырдан чапше дене левед аралыза да, күшылсө куат-влакын вуйлатышышт семын, шке кумалмыда дене чыла ойго гыч утарыза.

Кондак, глас 2

Суксо-влакым вуйлатыше ушан Гавриил, Пылпомышто Юмын чапшым ужын, мландымбаке порылыкым пуэнат. Юмын чапшылан служитлыше, тўнялан Юмын пуымо сарзе, тый мыланна полшо, да мемнам нигөат ок сене, тыланет мурышо-влакым утаре да арале.

№16, 21 Ин кондак, глас 2

Юмын Архистратигше, Юмын чапшылан служитлыше, Суксо-влакым вуйлатыше да ең-шамычым туныктышо, мыланна пайдалым да кугу чаманымашым йод, вет тый Пылпомышысо капдыме куат-влакын Архистратигышт улат.

14/27 Апостола от 70-ти Акилы (I).

№37 Апостолу, глас 3

Святой апостол Акил, мемнан чонлан сулык касарымашым пуыжо манын, чаманыше Юмым сөрвале.

Кондак, глас 4

Господын апостолжо, моктымо Акил, тый Черкылан куатле кече гай улат, тыйым пагалыше-влакым тудо тыйын туныктыметын волгыдыж дене волгалтара.

Величание

Тыйым моктена, тыйым моктена, Христосын апостолжо Акил, Христосын Поро Увержым шарымет годсо орланымет ден пашатым пагален шарнена.

15/28 Мучеников Кирика и Иулиты (ок.305).

№60 Тропарь, глас 4

Господь, Тыйын орланышет-влак, индыралтмышт верч Тый дечет, мемнан Юмына деч, курымашлык венецым налыныт: орландарыше-влакым Тыйын пуымо виет дене сўмырал шуэныт да ия-влакын тептердыме ўчыштым шалатеныт. Нунын молитвашт дене мемнан чоннам утаре.

Кондак, глас тойже

Христосын орланышыже Иулита шке Кирик шочшыжым кидыштыже нумалмыж годымак «Христос – орланыше-влакын Моктымашышт» манын, эргыжым пörьен подвигыш куанен ўжын.

Величание

Тендам моктена, тендам моктена, святой орланыше Кирик ден Иулита, да Христос верч орланымыдам пагален шарнена.

Равноапостольного Великого князя Владимира, во Святом Крещении Василия, Крестителя Руси (1015)

Тропарь, глас 4

Властыым пенгыдын кучышо моктымо Владимир, тый Юмын утарыме Киевын, чыла ола-влакын олаштын, престолыштыжо шинченат да шергакан кўм кычалше купеч гай лийынат. Православный вера нерген палаш посол-шамычым Царьград олашке колтымет дене тый эн шергакан шерым – Христосым – муынат. Тудо тыйым кокымшо Павел семын ойырен налын да тынеш пурымо святой вўдеш шўм-чонетым да капетым сокыр улмышт деч утарен, сандене ме, тыйын енет-шамыч, тыйын мален колтымо гай колыметым пагален шарнена да йōдына: Россий кугыжанышетын чыла вуйлатышыж ден калыкше-шамычын утаралтмышт верч Юмым сөрвале.

Кондак, глас 8

Чот моктымо Владимир, чапланыше апостол Павел семын ийготым погымек, идол-влаклан кумалметым йоча модыш гае коден, ушым шындыше пörьен семын тый тынеш пурымо вургем дене яндарештынат. Кызыт Утарыше Христос ончылно шогымет годым Россий кугыжанышетым кучышо да чыла енын утаралтмышт верч кумал.

Величание

Тыйым моктена, тыйым моктена, апостол-влак дене тör улшо кугу князь Владимир, идол-влакым шалатыше да уло Россий кугыжанышым святой Тынеш пуртымаш дене волгалтарыше улметым пагален шарнена.

16/29 Священномученика Афиногена епископа и десяти учеников его (ок.311).

Тропарь, глас 8

Юмылан служитлаш ойырен налме Афиноген ачана, жертвым кондышо служитель, тый Христослан тунемшет-влакым священный надыр семын конденат.

Ўшаныдымаш дене осалланыше калыкым сенген, Юмын мутым палыше пачат-шамыч дене пырля шкежат Пылпомышысо күтүшкө каенат. Христос Юмо, орланышет-влакын кумалмышт дене Шке күтүэтым пире-шамычын пытарымышт деч утаре.

Кондак, глас 4

Священномученик Афиноген ачана, Чыла Кучышын мутшым шуктышо күтүчө, тый Христосын пачаже-влак верч чонетым пуэнат. Сандене тыйым да пеленет орланыше лу тунемшетым, Юмо деч лүдмаш да туныктымашет дене пенгыдемдыме-влакым, моктена. Те Чыла Кучышылан йөрэнда, да Тудо илышым пуышо кидше дене тыланда венецым чиктен. Тудым мемнан верч сөрвалыза.

Величание

Тыйым моктена, священномученик Афиноген, лу тунемшет дене пырля моктена, да тендан нерген святой шарнымашым аралена, вет те мемнан верч Христос Юмынам сөрваледа.

17/30 Великомученицы Марины (Маргариты) (ок.284-305).

№76 Тропарь, глас 4

Иисус, Тыйын Марина пачат кугу йўкын ўжеш: Качем, Тыйым йөратем, Тыйым кычалын орланем да пудалалтам, Тыйын пуымо Тынеш пурымаште тоялтам, Тый денет ушнымаште кугыжаланаш манын, Тылат верч орлыкым чытем, да Тый денет пырля илаш манын, Тыланет верч колем, Тыланет йөратен кондымо яндар надыр семын мыйым нал. Тудын сөрвалымыж дене, Чаманыше Юмо, мемнан чоннам утаре.

Кондак, глас 3

Орланыше яндар ўдыр Марина, нарашталыкын порылыкшо дене сōрастаралтын, тый курымашлык венец дене сылнештынат, орланымашын вўржō дене чеверген, öрыктарыше пареммаш дене порын волгалтынат да орланымаште сенымет верч кугу моктымашым налынат.

Величание

Тыйым моктена, тыйым моктена, Христосын орланышыже Марина, да Христос верч орланыметым пагален шарнена.

18/31 Мученика Емилиана (363).

№57 Тропарь, глас 4

Господь, Тыйын орланышет Емилинан индыралтмыж верч Тый дечет, мемнан Юмына деч, курымашлык венецым налын: орландарыше-влакым Тыйын пуымо виет дене сўмырал шуэн да ия-влакын тептердыме ўчыштым шалатен. Тудын молитваже дене, мемнан чоннам утаре.

Кондак, глас 3

Чот моктымо орланыше Емилиан, Юмым йōрамымаш дене ылыжын, орландарышын тулжо деч лўдын отыл, шке кумылын лўдде пурен, виян тулеш тўрысnek йўленат да Чыла Кучышо Юмо деке надыр семын каенат, мыланна кугу чаманымашым пуыжо манын, Христосым сōрвале.

Величание

Тыйым моктена, тыйым моктена, орланыше святой Емилиан, да Христос верч орланыметым пагален шарнена.